



Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnis Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

29 Martii. 4 Kal. Apr.

[urn:nbn:de:hbz:466:1-53527](#)

308 ANNI CÆLESTIS
OMNES SANCTI, &c.
pag. 44.

S. MARIA, que cum orante ho-
dierno, elevato à terrâ, cliente tuo, in
imagine loqui es visa; quo virois, qui
calumniam in illum moliebatur, ab-
territus est. Eleva cor meum à terrâ
defende me, doce me tecum loqui!

29 Martii. 4 Kal. Apr.

S. Eustachi Abba, sexcentorum
fermè monachorum sancte ma-
gister; tu idem divine morborum
medice: quem, per quietem sibi of-
fensum, vidit puella ægra, vocem-
que audivit: *Quodcumque tibi dixerit*
vir iste, fac; quam tu posteà vigilem,
à febri, oculorūmque caligine per-
sanâsti: qui æger, per visionem
nocturnam interrogatus, an per
quadraginta dies remissius, an per
triginta acriùs, torqueri doloribus
velles? acriores triginta dierum
dolores elegisti, trigesimo pòst die-
tem moriturum dicens, ac te parans,
atque tunc extinctus. impetra mi-
hi, ut quicquid mihi, sive per in-
spirationes, sive per suos vicarios,
dicit Deus, obedienter faciam; &
quicquid ago, vel patior, sit mihi
pretiosa occupatio, ad mortis feli-
cissime

XXIX MARTII. 309
cissimè obeundæ expectationem.
Amen.

S. Jona, flagris, glacie, præcisis
digitis cruciate, & capitis cute ab-
rasâ, linguâ evulfâ, in picem ar-
dentem detruse, nec læse; in cochleâ
totis ossibus confracte; per medium
fœcte Martyr.

S. Barachisi, Jonæ frater, arden-
tibus glebis igneis, plumbo lique-
facto in palpebras, & nares infuso,
spinis, arundinibus laniate, cochleâ
confracte, os bulliente pice replete,
fratrem ad gloriam subsecute.

S. Cyrille Diacone Martyr, cu-
jus jecur gustantes gentiles, denti-
bus amissis, putrefactis, & ef-
fluentibus linguis, ac oculis, peri-
erunt.

Sancti Pastor, Victorine, ac socii
MM.

S. Armogastes Comes, pro Chri-
sto in tibiis, & fronte, nervis cru-
ciate, & pede altero suspense; pro
quo sepeliendo, egesta terra sub ar-
bore, splendidum è marmore sarco-
phagum ostendit.

Sancti Mascula, & Sature, regiæ
domûs procurator, Martyres.

S. Secunde Martyr.

S. Paule, qui, hoc die, S. Fran-
ciscæ suasisti, ut solitudinem ama-
ret,

310 ANNI CÆLESTIS
ret, ac ibi *cum divino amore* sola tra-
ctaret. deinde monuisti: *Firma*
in amore Dei. habe mentem modestam.
parate semper ad videndum Deum;
respice ea, quæ ei placent. revertere in
te, & latare in Deo tuo. Aedifica
mihi sanctas solitudines, in quibus
amor Dei me inflammet, ac doceat
quærere, quæ Deo placent.

OMNES SANCTI, &c.
pag. 44.

S. MARIA, *cujus hodie miraculo-*
rum de cryptâ festum in Siciliâ cele-
bratur. Sim ego miraculum tuum, Do-
mina, Mater admirabilis. Juvame
ut sim in calo inter eos, quos in vita
& morte, admirabiliter protexisti!

S. MARIA, quæ, hoc die, S. Fran-
ciscæ, splendida Filii tui Vulnera, &c.
quoque, videnti, dixisti: O anima,
amor te strinxit. anima pulchra, re-
cipere poma pulcherrima, quæ amor Dei
produxit. Domina, cùm dies mei sim
sicut naves, poma portantes; imple
meos dies pulcherrimis pomis, seu fru-
ctibus amoris Dei. doce cor meum
Vulnera Christi tui aspicere; amor
stringi, ac ad accipienda ejus munera
dilatari!

30 Marci.